



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Irregularitas ex homicidio.

urn:nbn:de:hbz:466:1-41753

notorium. Reginald. & alij 3. Sed contrarium est probabilius. Fernandez. p. 4. tr. 2. res. 60.

4 Consulentem alicui mutilationem tantum, fieri irregularem, nullus expressus textus asserit. Sed non est à communi sententiâ recedendum. Molina & Præpos. *ibid.* res. 18.

Ex homicidio.

5 **A**D irregularitatem ex homicidio voluntario super qua non possit Episcopus dispensare, requiritur, ut homicidium deliberato & inito consilio fiat, ita ut sit intentum expressè, & volitum in se, & non tantum in causâ: nam si in rixâ repente exortâ, aut propter verba contumeliosa subito homicidium perpetratur, casuale censetur, & non voluntarium. Turrian. & alij 6. *ibid.* res. 72. & p. 2. tr. 15. res. 19.

6 Quando in rixâ plures aliquem percutiunt, vnus autem lethale vulnus infligit, ex quo percussus moritur, si constat quis inflixerit, ille solus irregularitatem incurrit; ceteri verò, ut ab homicidio, ita etiam ab irregularitate excusantur. Sayr. & alij 3. part. 2. tr. 15. res. 18.

7 Quando maritus occidit uxorem adul-

348 *Irregularitas ex homicid.*

adulteram, probabile est adulterum inde non fieri irregularem; quia adulterium per se non ordinabatur ad homicidium. (Auila & alij 5.) Neque si adulter defendens se, maritum inuasorem occidat, cum moderamine inculpata tutelæ. Less. & alij 8. p. 4. tr. 2. ref. 1. & 2.

8 Qui, cum posset se defendere fugiendo, alterum occidit, quia non poterat fugere sine graui notâ, non est irregularis; nisi quando suâ culpâ in eam necessitatem se coniecit. Suarez & alij 8. *ibid.* ref. 3.

9 Irregularis non est, qui cum moderamine inculpata tutelæ occidit alterum in defensionem bonorum temporalium, honoris, pudicitie, &c. (Suarez & alij 13.) Neque qui in defensionem proximi innocentis, præsertim sibi propinqui, quotiescumque licitè potest defendere. (Turrian. & alij 8.) Neque si ut se defendat à graui vulnere, vel deformitate vultus. (Bonacin. & alij 7.) Aut ne membro aliquo mutiletur. (Hurtad.) Neque si à te vulneratus non lethaliter, incuriâ suâ, vel Medici, moriatur. Lessius & alij 5. *ibid.* ref. 4. 5. 22. 6. & 10.

10 Non est irregularis qui homicidium suo

suo nomine factum, postea ratum habet. (Suarez. & alij 11.) Neque qui solum mandavit alterum verberari, ita ut non esset metus homicidij, etsi is forte occidatur. (Præpos.) Neque qui homicidium mandavit, si mandatum revo- cet, nec tenetur monere eum qui peri- clitatur. Henriquez & alij 2. *ibid. res. 13. 19. & 14.*

11. Per homicidium casuale non in- curritur irregularitas, etsi quis det ope- ram rei illicitæ, nisi eius actio præcisè ratione periculi occidendi sit peccatum mortale Coninc & alij 8. Unde proba- bile est Clericum, in sacris exercentem chirurgiam per incisionem, vel ad- sionem, non fieri irregularem, morte secutâ. (Coninc & alij 2.) Quamvis contrarium sit tenendum. Sub incisio- ne tamen non comprehenditur sectio venæ. Molina. multo minus qui infir- mum mouendo, vel aliud circa ipsum agendo, mortem eius accelerat sine culpâ latâ. Auila & alij 4. *ibid. res. 20. 21. 23. & 24. & p. 5. 11. 3. res. 117.*

12. Clericus in minoribus potest sine dispensatione exercere medicinam, ne- que fit irregularis; secus vero si sit in sacris vel beneficiarius. Navar. & alij 4.

Etsi

Etsi etiam tunc gratis mederi possit personis miserabilibus, & consanguineis. Squillant. & Nouar. p. 6. tr. 7. res. 50.

13 Probabile est non fieri irregularem, qui alicui dedit consilium occidendi, duellandi, &c. ex eo quod is occisus est cui consilium dederat. Vasq. & alij 4.

Contrarium tamen est probabilius. Suar. & alij 6. Qui autem tradidit arma Titio quibus occidit Gaium, est irregularis, quando saltem suspicabatur illa peti ad homicidium. Bonacin. & alij.

Etsi id neget Hurt. nisi tradantur ex intentione homicidij. p. 4. tract. 2. res. 12. & 11.

14 Qui non impedit homicidium quod tenetur impedire etiam ex iustitia, probabiliter non est irregularis. (Vasq. & alij.) Contraria tamen sententia est communior, & probabilior. (Coninc & alij 15.) Neque qui sciens alios velle occidere propter iniuriam sibi illatam, non contradicit. (Turrian. & alij.) Neque qui sciens mulierem a se corruptam procurare abortum, non impedit. (Hurtad. & alij.) Neque qui a dato ante consilio abortus, conatur feminam auocare, nec potest. Henriquez. etsi contrarium sit tutius. *ibid.* res. 7. 9. 8. & 15.

15 In dubio facti nemo censendus est irregularis, nisi in solo homicidio. Suarez & alij 8. & hoc ipsum non improbabiler posset negari. Suarez & alij 3. Sic qui dubitat an homicida motus sit consilio à se dato, debet se gerere ut irregularis, sed si is neget, credendum est. Sanchez & alij 6. Et qui procuravit abortum, sed dubitat an fœtus fuerit animatus, censendus est irregularis. Sanchez & alij 6. licet contrarium etiam probabiliter doceat Præpositus & alij 2. *ibid. ref. 52. 25. & 16. & p. 3. tr. 5. ref. 72.*

16 Qui plura commisit homicidia, vnam tantum contrahit irregularitatem in petitione dispensationis exprimendam, Sanchez & alij 3. *p. 4. tr. 2. ref. 86.*

Ex bello.

17 **I**N bello iniusto omnes milites sunt irregulares, etsi neminem suâ manu occidant. Hurtad. quamvis Conine id limitet, nisi sint valdè multi, saltem supra centum, quia tunc non videntur omnes se mutuò posse animare ad occisionem. In bello autem iusto non sunt irregulares qui neminè suâ manu occidunt, sed neque qui occidunt ad propriam vitam defendendam; cum moderamine inculpatae tutelæ.